

GRAD NOVI PAZAR

SKUPŠTINA GRADA

Odbornička grupa SDA Sandžaka

Novi Pazar

17. mart 2024. godine

P R E D S J E D N I K U

SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU IZVJEŠTAJA O NACIONALNOJ STRUKTURI ZAPOSLENIH U DRŽAVNIM ORGANIMA, SLUŽBAMA, ORGANIZACIJAMA I DRUGIM INSTITUCIJAMA NA TERITORIJI GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 18. marta 2024. godine.

Odbornici SDA Sandžaka u Skupštini grada

dr. Adem Đerlek

Džanan Bačićanin

Merfid Kamešničanin

Maida Baltić Spahović

Saima Brunčević

Dinheta Pulić

Kenan Kadrić

Kadir Trubljanin

Adem Pepić

Ilma Dupljak

Ovlašćeni predstavnik predlagača je odbornik Merfid Kamešničanin

PRIJEDLOG

Na osnovu člana 20. stav 1, tačka 10), člana 32. stav 1, tačka 20), člana 79. stav 1 i 2, Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 15. stav 1, tačka 25), člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 18. marta 2024. godine, donosi

O D L U K U

o dostavljanju izvještaja o nacionalnoj strukturi zaposlenih u državnim organima, službama, organizacijama i drugim institucijama na teritoriji grada Novog Pazara

Član 1.

Skupština grada traži da policija, sudovi, tužilaštva i drugi državni organi, službe, organizacije i institucije sa javnim ovlaštenjima, koji rade i djeluju na teritoriji grada Novog Pazara, u roku od 8 dana od dana donošenja ove odluke, Skupštini grada dostave izvještaj o nacionalnoj strukturi zaposlenih.

Član 2.

Ovu odluku dostaviti policiji, sudovima, tužilaštvima i drugim državnim organima, službama, organizacijama i institucijama sa javnim ovlaštenjima čiji je osnivač Republika Srbija.

Član 3.

Ovu odluku objaviti u “Službenom listu grada Novog Pazara”.

SKUPŠTINA GRADA NOVOG PAZARA

Broj:

U Novom Pazaru, 18. mart 2024. godine

PREDSJEDNIK

O B R A Z L O Ž E N J E:

Pravni osnov za donošenje odluke:

Pravni osnov za donošenje ove odluke sadržan je u:

- članu 20. stav 1. tačka 10), Zakona o lokalnoj samoupravi;
- članu 32. stav 1. tačka 20), Zakona o lokalnoj samoupravi;
- članu 79. stav 1. i 2. Zakona o lokalnoj samoupravi;
- članu 15. stav 1. tačka 25) Statuta grada Novog Pazara;
- članu 147. Statuta grada Novog Pazara; i
- članu 137. Poslovnika Skupštine grada Novog Pazara.

Razlozi za donošenje odluke:

Na osnovu Preporuka iz Lunda „delotvorno učešće nacionalnih manjina u javnom životu predstavlja suštinski deo miroljubivog i demokratskog društva.” Shodno tome, može se reći da je zastupljenost manjinskih naroda u strukturama državne vlasti jedna od mjera njihove miroljubivosti i demokratičnosti. Pored toga, zastupljenost Bošnjaka u organima javne vlasti predstavlja i jedan od parametara na osnovu kojih se može meriti i utvrditi stvarni položaj Bošnjaka u Republici Srbiji.

Ustav Republike Srbije propisuje da se “Pri zapošljavanju u državnim organima, javnim službama, organima autonomne pokrajine i jedinica lokalne samouprave vodi se računa o nacionalnom sastavu stanovništva i odgovarajućoj zastupljenosti pripadnika nacionalnih manjina.” Citirana ustavna odredba propisuje obavezu usaglašavanja nacionalne strukture zaposlenih sa nacionalnom strukturom stanovništva, u organima javne vlasti koji su osnovani i deluju na teritoriji grada Novog Pazara. Dakle, može se reći da Ustav promoviše princip da republičke institucije koje su personifikacija države na terenu, u pogledu nacionalne strukture zaposlenih odslikavaju “stanje na terenu”, tj. da Bošnjaci u njima budu zastupljeni u onom procentu u kojem učestvuju u ukupnom broju stanovnika.

Prema podacima Republičkog zavoda za statistiku na poslednjem popisu stanovništva iz 2022. godine od ukupno 106.720 stanovnika Bošnjaka je 85.204 odnosno 80% ukupnog stanovništva

te bi u tom omjeru trebali biti zastupljeni u republičkim organima i institucijama na teritoriji grada Novog Pazara.

Pitanje srazmerne zastupljenosti manjinskih naroda u javnom sektoru regulisano je i nizom zakona: Zakonom o policiji (član 137. stav 3.), Zakonom o javnom tužilaštvu (član 82. stav 5 i član 122. stav 4), Zakonom o uređenju sudova (član 65. stav 4), Zakonom o sudijama (član 46. stav 2), Zakon o državnim službenicima (član 9. stav 3), i Zakon o zaposlenima u javnim službama (član 10. stav 3, član 30. stav 1 i član 35. stav 1. tačka 2).

Međutim, do danas nijedan od republičkih organa a naročito policija, sudstvo i tužilaštvo nisu saopštili zvanične podatke o tome da li je zastupljenost Bošnjaka u tim institucijama ekvivalentna učešću Bošnjaka u ukupnom broju stanovnika u Novom Pazaru. Kao što se vidi ne postoji politička volja da se Ustav i zakoni, koji Bošnjacima omogućavaju ostvarivanje prava na djelotvorno učešće u javnom životu, primijene u praksi.

Donošenje ove odluke, odnosno obaveza podnošenja izvještaja republičkih institucija, a naročito policije, sudstva i tužilaštva pokazaće u kojoj mjeri pomenuti državni organi poštuju svoje Ustavom i zakonom određene obaveze, te imajući u vidu njihovu ulogu i ovlašćenja koliko odslikavaju ono što Novi Pazar jeste u nacionalnom smislu. Napominjeno da institucije treba da odslikavaju ono što sredina u kojoj djeluju u svakom smislu jeste.

Shodno tome, donošenje ove odluke odnosno zahtjev da navedeni državni organi podnesu izvještaj o zastupljenosti Bošnjaka predstavlja temeljni korak ka utvrđivanju činjenica koje treba da posluže kao osnova za preduzimanje adekvatnih mjera kojima bi se osigurala adekvatna zastupljenost Bošnjaka u tim institucijama. Donošenje ove odluke ima izuzetan značaj u procesu vraćanja povjerenja Bošnjaka u državne organe.

Imajući u vidu naprijed navedeno donošenjem ove odluke, Skupština grada Novog Pazara iskazuje svoju opredijeljenost ka uspostavljanju vladavine prava i ističe spremnost da se na suštinski način posveti ispunjenju svoje zakonom propisane obaveze da se stara u ostvarivanju prava Bošnjaka i preuzme brigu o njihovom sveukupnom položaju i statusu u Gradu Novom Pazaru.

Objašnjenje pojedinačnih rješenja propisanih ovom odlukom:

Član 1: Utvrđeno je predmet odluke.

Član 2: Ovim članom je utvrđena obaveza dostavljanja ove odluke policiji, sudovima, tužilaštvima i drugim državnim organima, službama, organizacijama i institucijama sa javnim ovlašćenjima čiji je osnivač Republika Srbija.

Član 3: Propisana je obaveza objavljivanja u „Službeni list grada Novog Pazara“.

Finansijska sredstva za sprovođenje ove odluke nisu potrebna.